

II. 2015 ԹՎԱԿԱՆԻՆ ԿԱՏԱՐՎԱԾ ՄԻՋՈՑԱՌՈՒՄՆԵՐՆ ԸՍՏ
«2015 ԹՎԱԿԱՆԻ ՊԵՏԱԿԱՆ ՎԻՃԱԿԱԳՐԱԿԱՆ
ԱՇԽԱՏԱՆՔՆԵՐԻ ԾՐԱԳՐԻ»

«2015 թվականի պետական վիճակագրական աշխատանքների ծրագրում» նախատեսված էր թվով 424^{*} վիճակագրական աշխատանք՝ ըստ ծածկագրերի, որոնք ըստ կատարման պարբերականության (թվով 1 890** միավոր), կատարվել են սահմանված ժամկետներում:

Վիճակագրական աշխատանքները (ցուցանիշները) իրականացվում (հաշվարկվում) են ԱՄՀ հիմնած և վիճակագրական տվյալների հավաքագրման, մշակման որակի, պարբերականության, ինչպես նաև տեղեկատվության տարածման միասնական չափորոշիչներ (ստանդարտներ) սահմանող «Տվյալների տարածման հատուկ ստանդարտին» (SSՀՄ) համապատասխան:

2003թ. նոյեմբերի 7-ին Հայաստանի Հանրապետությունն անդամակցեց SSՀՄ-ին (տես՝ ԱՄՀ <http://docs.armstat.am/nsdp/> կայքէջը), ըստ այդմ կատարելով նաև կարևոր քայլ՝ ուղղված երկրի վիճակագրական համակարգի համապատասխանեցմանը վիճակագրության ոլորտում միջազգային կարևոր ստանդարտներից մեկին:

2008թ. ապրիլի 29-ին ՄԱԿ-ի Տնտեսական և սոցիալական խորհրդի կազմակերպական նստաշրջանում Հայաստանն ընտրվել էր ՄԱԿ-ի վիճակագրական հանձնաժողովի (24 անդամ երկիր) նոր անդամ: Անդամակցությունը 4 տարի ժամկետով էր՝ սկսած 2009թ. հունվարի 1-ից:

2009թ. փետրվարի 10-ին ԱՄՀ պաշտոնական ինտերնետային կայքում (<http://www.imf.org/external/np/rosc/rosc.asp>) գետեղվել է Հայաստանի վերաբերյալ ԱՄՀ Ստանդարտների և կողերի պահպանման գեկույցը, որը ներառում է տվյալների որակի գնահատման ձևաչափի օգտագործմամբ մանրամասն գնահատումը:

2015-2017թթ. համար ՀՀ ԱՎԾ նախագահն ընտրվել է Եվրոպական վիճակագիրների կոնֆերանսի Բյուրոյի փոխնախագահ:

ՀՀ ԱՎԾ 2015 թվականին կատարած աշխատանքները սույն հաշվետվության մեջ ներկայացված են «2015 թվականի պետական վիճակագրական աշխատանքների ծրագրի» (դրա հավելվածների) կառուցվածքին (հաջորդականությանը) համապատասխան:

^{*} Ներառված են այն աշխատանքները, որոնք համաձայն «2014 թվականի պետական վիճակագրական աշխատանքների ծրագրի», ավարտվել են 2015 թվականին (տես՝ հավելված 3-ի 1ա աղյուսակը):

^{**} Ներառված է կատարված աշխատանքների նաև այն պարբերականությունները, որոնք համաձայն «2014 թվականի պետական վիճակագրական աշխատանքների ծրագրի», ավարտվել են 2015 թվականին (տես՝ հավելված 3-ի 1ա աղյուսակը):

1. ԻՐԱԿԱՆ ՀԱՏՎԱԾ

1.1. Ազգային հաշիվներ, համախառն ներքին արդյունքի ցուցանիշ

Ծրագրով նախատեսված սույն ենթահատվածի թվով 22 աշխատանքներ (111001-111009, 112001-112012, 112014 ծածկագրեր) իրականացվել են սահմանված ժամկետներում և պարբերականությամբ: Իրականացված աշխատանքների մասով հաշվարկվել են.

1. ամսական կտրվածքով.

- ✓ տնտեսական ակտիվության ցուցանիշը (ՏԱՑ) օպերատիվ և նախնական տվյալներով,

2. եռամսյակային կտրվածքով.

- ✓ Համախառն ներքին արդյունքի (ՀՆԱ) ցուցանիշը մեկ շնչի հաշվով նախնական տվյալներով,
- ✓ ՀՆԱ-ի ցուցանիշը նախնական տվյալներով.
- արտադրական եղանակով՝ ըստ տնտեսական գործունեության տեսակների,
- ծախսային եղանակով՝ ըստ ծախսային բաղադրիչների,

3. տարեկան կտրվածքով հաշվարկվել են.

- ✓ 2014թ. տնտեսական ակտիվության ցուցանիշն (ՏԱՑ) ըստ ամիսների, վերանայված տվյալներով՝ պայմանավորված 2013թ. հաշվետու տվյալների հիման վրա 2014թ. վերանայված ՀՆԱ-ում (առանց արտադրանքի զուտ հարկերի և ՖՄԱԶԾ) տնտեսական գործունեության տեսակների կշիռների փոփոխությամբ
- ✓ ՀՆԱ-ի ցուցանիշը մեկ շնչի հաշվով՝ 2013թ. վերջնական հաշվետու տվյալներով և 2014թ.-ը՝ վերանայված 2013թ. տարեկան հաշվետու տվյալների հիման վրա,
- ✓ տարեկան և եռամսյակային ՀՆԱ-ի ցուցանիշի հաշվարկն ընթացիկ և նախորդ տարվա գներով.
 - արտադրական եղանակով՝ տնտեսական գործունեության տեսակներով,
 - ծախսային եղանակով՝ ըստ ծախսային բաղադրիչների,

հաշվետու տվյալներով.

- 2013 թվականի տարեկանը և եռամսյակները՝ ճշգրտված 2013 թվականի հաշվետու տարեկան տվյալների հիման վրա

վերանայված հաշվետու տվյալներով.

- 2014 թվականի տարեկանը և եռամսյակները՝ ճշգրտված 2013 թվականի հաշվետու տարեկան տվյալների հիման վրա,
 - ✓ ՀՆԱ-ի հաշվարկը բազային տարվա միջին տարեկան գներով.
- արտադրական եղանակով՝ տնտեսական գործունեության տեսակներով,
- ծախսային եղանակով՝ ըստ ծախսային բաղադրիչների,
 - 2013 թվականի ՀՆԱ-ն վերջնական՝ հաշվետու տվյալներով,
 - 2014 թվականի ՀՆԱ-ն նախնական՝ հաշվետու տվյալներով ճշգրտված,
- ✓ ՀՆԱ-ի հաշվարկը սեզոնային ճշգրտումներով.
- արտադրական եղանակով՝ տնտեսական գործունեության տեսակներով,
- ծախսային եղանակով՝ ըստ ծախսային բաղադրիչների,

- ♦ 2013 թվականի ՀՆԱ-ն վերջնական՝ հաշվետու տվյալներով,
- ♦ 2014 թվականի ՀՆԱ-ն նախնական՝ հաշվետու տվյալներով ճշգրտված,
- ✓ 2013 թվականի ՀՆԱ-ի հաշվարկը եկամուտների ձևավորման եղանակով հաշվետու տվյալներով (ըստ տնտեսական գործունեության տեսակների),
- ✓ Ծախսային եղանակով 2014 թվականի տարեկան և եռամսյակային ՀՆԱ-ի «ապրանքների և ծառայությունների արտահանում և ներմուծում» բաղադրիչների վերահաշվարկ՝ 2014 թվականի վճարային հաշվեկշռի վերջնական տվյալներին համապատասխան, ընթացիկ և նախորդ տարվա գներով,
- ✓ 2014 թվականի ՀՆԱ-ի (վերանայված 2013 թվականի հաշվետու տվյալներով) ծախսային բաղադրիչների բաշխումն ըստ ՀՆԱ-ի ծախսերի դասակարգչի:

2013 թվականի հաշվետու տվյալներով իրականացվել են հետևյալ հաշվարկները.

- ✓ արտադրության հաշվի՝ ըստ հանրապետության, տնտեսության հատվածների և տնտեսական գործունեության տեսակների,
- ✓ եկամուտների ձևավորման հաշվի՝ ըստ հանրապետության, տնտեսության հատվածների և տնտեսական գործունեության տեսակների,
- ✓ սկզբնական եկամուտների բաշխման հաշվի՝ ըստ հանրապետության և տնտեսության հատվածների,
- ✓ եկամուտների օգտագործման հաշվի՝ ըստ հանրապետության, տնտեսության հատվածների և ծախսային բաղադրիչների,
- ✓ տնօրինվող եկամուտների օգտագործման հաշվի՝ ըստ հանրապետության և տնտեսության հատվածների,
- ✓ եկամուտների երկրորդային բաշխման հաշվի՝ ըստ հանրապետության և տնտեսության հատվածների,
- ✓ բնափրեղեն ձևով եկամուտների վերաբաշխման հաշվի՝ ըստ հանրապետության և տնտեսության հատվածների, ճշգրտված տնօրինվող եկամուտների օգտագործման հաշվի՝ ըստ հանրապետության և տնտեսության հատվածների,
- ✓ բնափրեղեն ձևով եկամուտների վերաբաշխման հաշվի՝ ըստ հանրապետության և տնտեսության հատվածների, ճշգրտված տնօրինվող եկամուտների օգտագործման հաշվի՝ ըստ հանրապետության և տնտեսության հատվածների,
- ✓ ֆինանսական և ոչ ֆինանսական կազմակերպությունների հատվածների ավելացված արժեքի (արտադրական եղանակով) ըստ հանրապետության, տնտեսական գործունեության տեսակների, հատվածների և ենթահատվածների,
- ✓ ազգային հարստության բաղադրիչների,
 - վիճակագրական դիտարկման դաշտում ընդգրկված կազմակերպությունների հիմնական միջոցների արժեքը հաշվեկշռային և մնացորդային արժեքներով՝ ըստ տնտեսական գործունեության տեսակների 2014 թվականին,
 - բնակչության տնային գույքի կուտակման հաշվարկը 2014 թվականին:
- ✓ 2013 թվականի ռեսուրսներ-օգտագործում աղյուսակների բաղադրիչների:

1.2. Արտադրություն (ծառայություններ)

1.2.1 Արդյունաբերություն

Ծրագրով նախատեսված սույն ոլորտի թվով 12 աշխատանքները (121001-121012 ծածկագրեր) կատարվել են սահմանված ժամկետներում և պարբերականությամբ:

Արդյունաբերության գծով վիճակագրական տեղեկություններ են հավաքագրվել և մշակվել թվով 7 պետական վիճակագրական հաշվետվությունների ձևերով (որոնցից 1-ը՝ ամսական և 6-ը՝ տարեկան պարբերականությամբ):

Արդիականացվել է արդյունաբերության ոլորտի կազմակերպությունների վիճակագրական դաշտը և դրանով պայմանավորված՝ շարունակվել են մշտադիտարկմամբ ընդգրկված նոր կազմակերպությունների գործունեության տեսակների վերածածկագրման աշխատանքները:

Ընտրանքային դիտարկման մեխանիզմների կիրառմանը զուգահեռ, առանձին արտադրությունների գծով (ըստ ցածր առաձգականությամբ արտադրանքների արտադրության բազային ցուցանիշների) շարունակվել է չդիտարկվող (չհաշվառվող) դաշտի գնահատումը՝ օգտագործելով ինչպես տնային տնտեսությունների, այնպես էլ ընտրանքային հետազոտությունների արդյունքները:

Սահմանված պարբերականությամբ (ամսական, եռամսյակային և տարեկան) մշակվել և ամփոփվել են արդյունաբերությունը բնութագրող հիմնական ցուցանիշներն ըստ հանրապետության, մարզերի և ք. Երևանի, տնտեսական գործունեության տեսակների, արտադրատեսակների, ինչպես նաև եռամսյակային պարբերականությամբ՝ ըստ աշխատողների թվաքանակով որոշվող չափերի:

Համաձայն ՀՀ էներգետիկայի և բնական պաշարների նախարարության (հետայսու՝ ՀՀ ԷԲՊՆ) և ՀՀ ԱՎԾ միջև ստորագրված համաձայնագրի հավելվածի (կնքված՝ 08.05.2015թ.), ՀՀ ԱՎԾ-ն ՀՀ ԷԲՊՆ-ին է տրամադրել վերոհիշյալով նախատեսված ցուցանիշներն ըստ կազմի և տրամադրման ժամկետների: Արդյունքում, ՀՀ ԱՎԾ-ի և ՀՀ ԷԲՊՆ-ի կողմից հավաքագրված և ամփոփված տեղեկատվության հիման վրա, Եվրամիության «INOGATE» ծրագրի շրջանակում, միջազգային փորձագետների օժանդակությամբ կազմվել է Հայաստանի Հանրապետության 2014 թվականի փորձնական էներգահաշվեկշիռը:

Հայաստանի Հանրապետության ԱՄՀ ՏՏՀՄ-ին անդամակցության նախապայմանների ապահովման նկատառումներով պայմանավորված՝ արդյունաբերության վիճակագրության մի շարք ցուցանիշների վերաբերյալ հաստատված ժամանակացույցով ներկայացվել է տեղեկատվություն:

1.2.2. Գյուղատնտեսություն, անտառային տնտեսություն և ձկնորսություն

Մրագրով նախատեսված սույն ոլորտի թվով 26 աշխատանքները (122001-122006, 122008-122013, 122015, 122023, 122024, 122026-122030, 122032-122037 ծածկագրեր) կատարվել են սահմանված ժամկետներում և պարբերականությամբ:

Գյուղատնտեսության, անտառային տնտեսության, ձկնորսության և ձկնաբուծության գծով վիճակագրական տեղեկությունները հավաքագրվել և մշակվել են թվով 18 պետական վիճակագրական հաշվետվությունների և ամփոփ հաշվետվությունների և 4 հարցաթերթերով, ինչպես նաև 4 տեղեկանքներով: Ընդ որում, պետական վիճակագրական հաշվետվություններից, ամփոփ հաշվետվություններից, հարցաթերթերից և տեղեկանքներից 9-ն ամսական պարբերականությամբ են, 1-ը՝ եռամսյակային և 16-ը՝ տարեկան: Հաշվետվություններից, հարցաթերթերից և տեղեկանքներից 13-ը բուսաբուծության գծով են, 8-ը՝ անասնաբուծության, 2-ը՝ բուսաբուծության և անասնաբուծության, 1-ը՝ անտառային տնտեսության, 1-ը՝ գյուղատնտեսությանն առնչվող այլ բնույթի, իսկ 1-ը՝ ձկնորսության և ձկնաբուծության ոլորտի վերաբերյալ է:

Գյուղատնտեսության վիճակագրության ընտրանքային դիտարկման դաշտից (187 գյուղական համայնք, 7 480 գյուղացիական տնտեսություն) 4 հարցաթերթերի միջոցով հավաքագրվել է տեղեկատվություն բուսաբուծության և անասնաբուծության՝ արտադրված բուսաբուծական և անասնաբուծական մթերքի ծավալի, միջին բերքատվության, տնտեսություններում արտադրված մթերքի ըստ ուղղությունների իրացման և դրանց արտադրության վրա կատարված ընթացիկ ծախսերի վերաբերյալ և այլն:

Ընտրանքային դիտարկման դաշտից հավաքագրվող ցուցանիշների օգտագործման արդյունավետության բարձրացման անհրաժեշտությամբ պայմանավորված, մշակվել և ՀՀ ՎՊԽ կողմից հաստատվել են՝ «Տնտեսությունների կողմից գյուղատնտեսական մթերքի արտադրության վրա կատարված ծախսեր» (տարեկան պարբերականությամբ) թիվ 4 (նոր ձևաչափով) և «Բուսաբուծական մթերքի արտադրությունը» (տարեկան պարբերականությամբ) թիվ 1 նոր հարցաթերթերը:

Իրականացվել է հունվարի 1-ի դրությամբ հանրապետությունում անցկացված գյուղատնտեսական կենդանիների գլխաքանակի համատարած հաշվառման արդյունքների ընտրանքային ճշգրտումներ՝ թիվ 1 ու թիվ 2 տեղեկանքներով: Ստացված տվյալներն օգտագործվում են համատարած հաշվառման արդյունքում հավաքագրված տվյալների ճշգրտման համար:

Գյուղատնտեսության վիճակագրության ընտրանքային դիտարկման դաշտի վիճակագիրների կողմից անց է կացվել հացահատիկային մշակաբույսերի բերքահավաքի որակի հետազոտություն:

Եռամսյակային պարբերականությամբ մշակվել և ամփոփվել են գյուղատնտեսությունը բնութագրող հիմնական ցուցանիշներն ըստ աշխատողների թվաքանակով որոշվող չափերի:

Յուրաքանչյուր եռամսյակ «ՀՀ սոցիալ-տնտեսական վիճակը» տեղեկատվական զեկույցում զետեղվել է տեղեկատվություն անտառային տնտեսության վերաբերյալ՝ ըստ ՀՀ գյուղատնտեսության նախարարության (հետայսու՝ ՀՀ ԳՆ) կողմից 2014թ.

հունվարից ուժի մեջ մտած Ձև թիվ 1-ԱՆՏԱՌ (եռամսյակային) վարչական վիճակագրական հաշվետվության տվյալների:

2015թ.-ի ընթացքում ՀՀ ԳՆ-ին աջակցություն է ցուցաբերվել գյուղատնտեսության վարչական ռեգիստրի վարման շուրջ տարվող աշխատանքներում:

Կազմվել և ՀՀ ԱՎԾ աշխատակազմի առանձնացված ստորաբաժանումներին են տրամադրվել գյուղատնտեսությանն առնչվող՝ 4-ԳՏՀ (տարեկան), 4-ԳՏ (տարեկան), 29-ԳՏՀ (տարեկան), 29-ԳՏՀ-նոռզված (տարեկան), 29-ԳՏ (տարեկան) և 29-ԳՏ-նոռզված (տարեկան) պետական վիճակագրական հաշվետվությունների ամփոփման համար կազմված MS Excel համակարգչային ծրագրերը: Ծրագրերը հնարավորություն են ընձեռել տրամադրման ենթակա ձևաչափով ամփոփել (տարածքային և մարզային կտրվածքով) համայնքներից և գյուղատնտեսությամբ զբաղվող առևտրային կազմակերպություններից հավաքագրված վիճակագրական տեղեկատվությունը:

1.2.3. Շինարարություն

Ծրագրով նախատեսված սույն ոլորտի թվով 9 աշխատանքները (123001-123003, 123005, 123007-123011 ծածկագրեր) կատարվել են սահմանված ժամկետներում և պարբերականությամբ:

Շինարարության գծով վիճակագրական տեղեկությունները հավաքագրվել, մշակվել և ամփոփվել են թվով 7 պետական վիճակագրական հաշվետվությունների ձևերով (4-ը՝ ամսական և 3-ը՝ տարեկան պարբերականությամբ):

2015 թվականի ընթացքում հաշվարկվել են հանրապետությունում իրականացված շինարարության հիմնական ցուցանիշներն ամսական պարբերականությամբ և ըստ մարզերի՝ եռամսյակային կտրվածքով, իրականացվել է անհատական բնակելի շենքերի և մասնավոր շինարարական օբյեկտների դիտարկում, պարբերաբար անցկացվող շրջագայությունների միջոցով ընդլայնվել է բնակչության միջոցների հաշվին կառուցված նոր շինարարական օբյեկտների ցանկը (համացանկը):

Սահմանված պարբերականությամբ (ամսական, եռամսյակային և տարեկան) մշակվել և ամփոփվել են շինարարությունը բնութագրող հիմնական ցուցանիշներն ըստ հանրապետության, մարզերի, տնտեսական գործունեության տեսակների, ֆինանսավորման աղբյուրների, ինչպես նաև եռամսյակային պարբերականությամբ՝ ըստ աշխատողների թվաքանակով որոշվող չափերի:

Իրականացվել են շինարարության ոլորտի վիճակագրական հաշվառման դաշտի արդիականացման աշխատանքներ:

Իրականացվել է ՀՀ տարածքում կառուցապատում իրականացնելու թույլտվությունների և կառուցապատման ընթացքում գտնվող օբյեկտների վերաբերյալ տեղեկատվության ստացման և ամփոփման աշխատանքներ:

Իրականացվել են ՀՀ քաղաքաշինության բնագավառում լիցենզավորված անձանց վերաբերյալ տեղեկատվության հավաքագրման և ամփոփման աշխատանքներ:

1.2.4. Տրանսպորտ

Ծրագրով նախատեսված սույն ոլորտի թվով 18 աշխատանքները (124001–124008 և 124012-124021 ծածկագրեր) կատարվել են սահմանված ժամկետներում և պարբերականությամբ:

Տրանսպորտի գծով վիճակագրական տեղեկությունները հավաքագրվել և մշակվել են թվով 17 պետական վիճակագրական հաշվետվությունների ձևերով և 1 աղյուսակով (որոնցից 5-ը՝ ամսական, 3-ը՝ եռամսյակային, 10-ը՝ տարեկան պարբերականությամբ): Ընդ որում, ավտոմոբիլային տրանսպորտի՝ 3, օդային տրանսպորտի՝ 6, երկաթուղային տրանսպորտի՝ 3, քաղաքային էլեկտրատրանսպորտի՝ 1, ավտոմոբիլային ճանապարհների՝ 1 և հիմնական միջոցների գծով՝ 1 հաշվետվության ձևերով, իսկ 124005 և 124020 ծածկագրերով համապատասխանաբար «Ճանապարհատրանսպորտային պատահարներ» և «Մետրոպոլիտենի, ճոպանուղու և տրոլեյբուսային տրանսպորտի» վիճակագրական աշխատանքները կատարվել են ամսական և տարեկան պարբերականությամբ, իսկ 124021 ծածկագրով «Փոստային և սուրհանդակային գործունեությունը» վիճակագրական աշխատանքը կատարվել է ամսական, եռամսյակային և տարեկան պարբերականությամբ:

Սահմանված պարբերականությամբ (ամսական, եռամսյակային և տարեկան) մշակվել և ամփոփվել են տրանսպորտի ոլորտը բնութագրող հիմնական ցուցանիշներն ըստ հանրապետության, մարզերի, տրանսպորտի տեսակների, ինչպես նաև եռամսյակային պարբերականությամբ՝ ըստ աշխատողների թվաքանակով որոշվող չափերի:

1.2.5. Կապ

Ծրագրով նախատեսված սույն ոլորտի թվով 7 աշխատանքները (125002, 125004-125009 ծածկագրեր) կատարվել են սահմանված ժամկետներում և պարբերականությամբ:

Կապի համակարգի գծով վիճակագրական տեղեկություններ են հավաքագրվել և մշակվել թվով 7 պետական վիճակագրական հաշվետվությունների ձևերով՝ 1 ամսական և 6 տարեկան պարբերականությամբ:

Սահմանված պարբերականությամբ (ամսական և տարեկան) մշակվել և ամփոփվել են կապի ոլորտը բնութագրող հիմնական ցուցանիշներն ըստ հանրապետության, ինչպես նաև եռամսյակային պարբերականությամբ՝ ըստ աշխատողների թվաքանակով որոշվող չափերի:

Աշխատանքներ են իրականացվել վարչական ռեգիստրների կատարելագործման և կապի ոլորտի վիճակագրական հաշվառման դաշտի արդիականացման ուղղությամբ:

1.2.6. Առևտուր և այլ ծառայություններ

Ծրագրով նախատեսված սույն ոլորտի թվով 13 աշխատանքները (126001-126013 ծածկագրեր) կատարվել են սահմանված ժամկետներում և պարբերականությամբ:

Առևտրի և այլ ծառայությունների գծով վիճակագրական տեղեկություններ են հավաքագրվել և մշակվել թվով 11 պետական վիճակագրական հաշվետվությունների ձևերով, 1 տեղեկանքով և 1 դիտարկման ձևով (7 ամսական, 3 եռամսյակային, 3 տարեկան), որոնցից 9-ը՝ առևտրի (5-ը՝ ամսական, 2-ը՝ եռամսյակային և 2-ը՝ տարեկան պարբերականությամբ), 3-ը՝ ծառայությունների (2-ը՝ ամսական և 1-ը՝ եռամսյակային պարբերականությամբ) և 1-ը՝ առևտրի և ծառայությունների գծով (տարեկան պարբերականությամբ):

Առևտրի ոլորտի վիճակագրական տեղեկատվության ամբողջականացման նպատակով սպառողական ապրանքների շուկաներում պարբերաբար անց են կացվել ընտրանքային դիտարկումներ ըստ ապրանքային խմբերի (պարենային, ոչ պարենային), վաճառատեղերի քանակի, մեկ վաճառատեղի մեկ օրվա առևտրի շրջանառության ծավալի:

Սահմանված պարբերականությամբ (ամսական, եռամսյակային և տարեկան) մշակվել և ամփոփվել են առևտուրը և ծառայությունները բնութագրող հիմնական ցուցանիշներն ըստ հանրապետության, մարզերի, ինչպես նաև եռամսյակային պարբերականությամբ՝ ըստ աշխատողների թվաքանակով որոշվող չափերի:

Իրականացվել են առևտրի և այլ ծառայությունների ոլորտի վիճակագրական հաշվառման դաշտի ամենամսյա արդիականացման աշխատանքներ:

Իրականացվել են նաև ոլորտի հաշվետվական ձևերի փոփոխություններ՝ պայմանավորված Հայաստանի Հանրապետության էներգետիկայի հաշվարկման համար անհրաժեշտ վառելիքի առևտրի տեսակներով առևտրի ցուցանիշների առանձնացմամբ:

Հայաստանի Հանրապետությունում տեղեկատվական տեխնոլոգիաների (հետայսու՝ ՏՏ) ոլորտի վարչական ռեգիստրի կայացման նպատակով ՀՀ Էկոնոմիկայի նախարարության հետ համատեղ մշակվել է «Տեղեկատվական տեխնոլոգիաների և տեղեկատվական ծառայությունների մասին» Ձև 1-ՏՏ (ամսական) պետական վիճակագրական ամփոփ հաշվետվական ձևը:

Կատարվել են պետական վիճակագրական հաշվետվությունների տվյալների մուտքագրման, մշակման և ամփոփ ելքային աղյուսակների ստացման համար համակարգչային ծրագրերի փոփոխություններ և լրացումներ:

1.2.7. Կազմակերպությունների տնտեսական գործունեությունը

Ծրագրով նախատեսված սույն ոլորտի թվով 4 աշխատանքներ (127003-127005 և 127007 ծածկագրեր՝ 2-ը եռամսյակային և 2-ը՝ տարեկան պարբերականությամբ) կատարվել են սահմանված ժամկետներում և պարբերականությամբ:

2015թ.-ին տվյալների հավաքագրումն իրականացվել է ընտրանքային եղանակով վիճակագրական մշտադիտարկման դաշտում ընդգրկված կազմակերպություն-

ներից պետական վիճակագրական հաշվետվությունների հավաքագրման միջոցով: Կազմակերպությունների ընտրանքը կատարվել է ՀՀ ԱՎԾ բիզնես-ռեգիստրի գործող կազմակերպությունների արդիականացված բազայից:

Կազմակերպություններն ըստ աշխատողների թվաքանակի բաժանվել են 2 խմբի՝ խոշոր ու միջին կազմակերպություններ և փոքր ու գերփոքր կազմակերպություններ: 1 316 խոշոր և միջին կազմակերպությունները հետազոտվել են համատարած, իսկ փոքր և գերփոքր կազմակերպություններից (ընտրանքի գլխավոր համակցությունից) շերտավորված ընտրանքի մեթոդով՝ ըստ մարզերի, հիմնական գործունեության տեսակի և աշխատողների միջին ցուցակային թվաքանակի ընտրվել է 1 160 կազմակերպություն: Հետազոտված փոքր և գերփոքր կազմակերպությունների տվյալները տարածվել են ընտրանքի գլխավոր համակցության վրա: Նախապես ճշգրտվել են ընտրանքում ընդգրկված կազմակերպությունների գործունեության հիմնական տեսակի ծածկագրերն ըստ Տնտեսական գործունեության տեսակների Հայաստանի դասակարգչի 2-րդ խմբագրության (հետայսու՝ ՏԳՏԴ-2):

1.3. Գներ և սակագներ

Ծրագրով նախատեսված թվով 59 աշխատանքներ (131001-131032, 132001-132005, 133001-133006, 134001-134005, 135001, 136001-136004, 137001, 137003-137006 և 138001 ծածկագրեր), որոնցից 40-ը՝ ամսական, 14-ը՝ եռամսյակային, 5-ը՝ տարեկան պարբերականությամբ են և կատարվել են սահմանված ժամկետներում:

Գործող մեթոդաբանության համաձայն, յուրաքանչյուր ամիս հաշվարկվել են հետևյալ գների ինդեքսները.

- ♦ սպառողական գների ինդեքս (ըստ հանրապետության և 11 հետազոտվող բնակավայրերի՝ 65 ապրանքային խմբերով, ծառայությունների տեսակներով և 470 անվանում ապրանք-ծառայություններով),
- ♦ արդյունաբերական արտադրանքի գների ինդեքսն ըստ ՏԳՏԴ-ի 1 և 2 խմբագրման,
- ♦ գյուղատնտեսական արտադրանքի իրացման գների ինդեքս (ըստ հանրապետության, իրացման ուղիների, ապրանքային խմբերի և հետազոտվող 61 անվանում մթերքի),
- ♦ գյուղատնտեսության արտադրության միջոցների գնման գների ինդեքս (ըստ հանրապետության, ապրանքային խմբերի և հետազոտվող 92 անվանում արտադրության միջոցների),
- ♦ բեռնափոխադրումների սակագների ինդեքս (ըստ հանրապետության, տրանսպորտի տարատեսակների (երկաթուղային, օդային, ավտոմոբիլային և խողովակաշարային)),
- ♦ արտաքին առևտրի գների ինդեքս՝ մշակվել են ամսական պարբերականությամբ, 4 ուղղություններով՝ ըստ բոլոր երկրների, ԱՊՀ երկրների և ոչ ԱՊՀ երկրների: «Ոչ ԱՊՀ երկրներ» խմբից իրականացվում է նաև գների ինդեքսների հաշվարկ ըստ Եվրամիության երկրների:
- ♦ 95 անվանում կարևորագույն ապրանքատեսակների գների օպերատիվ 10-օրյա դիտարկում (ըստ հանրապետության և հետազոտվող 12 բնակավայրերի,

որի հիման վրա կատարվում է գնաճի հաշվարկ (օպերատիվ գնահատական) հանրապետությունում):

- ՀՀ ֆինանսների նախարարության «Գնագոյացման վերլուծական ինֆորմացիոն կենտրոն» ՊՈԱԿ-ի կողմից ներկայացված շինարարության գների ինդեքսների հիման վրա իրականացվել են այդ բնագավառում գների ինդեքսների լրահաշվարկներ:
- ՀՀ մարզերի 187 գյուղական բնակավայրերում ընտրանքային եղանակով ընտրված 7 480 գյուղացիական տնտեսություններում կատարվել է գյուղատնտեսական մթերքի իրացման և գյուղատնտեսության արտադրության միջոցների գնման գների, քանակի ու ծավալների ամենամսյա հետազոտություն: Ստացված տվյալների հիման վրա հաշվարկվել են հանրապետությունում գյուղատնտեսական մթերքի իրացման գների ինդեքսներն իրացման 3 ուղիներով (մթերող կազմակերպություններին, անհատ ձեռնարկատերերին, գյուղատնտեսական մթերքի շուկայում (61 ապրանքատեսակ)) և գյուղատնտեսության արտադրության միջոցների գնման գների ինդեքսներ (92 անվանում արտադրության միջոցներ):

Սկսած 2015թ. հունվարից Եվրասիական տնտեսական միության կողմից հաստատված անվանացանկով և ցուցանիշներով ամենամսյա տեղեկատվություն է ներկայացվել տնտեսության տարբեր ոլորտների գների և գների ինդեքսների վերաբերյալ: Արտաքին առևտրի գների ինդեքսների մասով մշակվել է նոր ծրագրային փաթեթ, ըստ որի՝ առանձին հաշվարկներ են իրականացվել Եվրասիական միության անդամ երկրների հետ փոխադարձ առևտրի գների ինդեքսների համար:

Ազգային հաշիվներում, որպես դեֆլյատորներ օգտագործման նպատակով կատարվել է տնտեսության առանձին ճյուղերի գների ինդեքսների լրացուցիչ հաշվարկ՝ ամսական, եռամսյակային (նախորդ եռամսյակի, նախորդ տարվա համապատասխան եռամսյակի համեմատ), տարեկան կտրվածքներով:

Մասնակցություն է ցուցաբերվել 2014թ. տվյալներով ՀՆԱ-ի և ազգային արժույթի գնողունակության համարժեքության հաշվարկման միջազգային համադրումների ծրագրի շրջանակներում ԱՊՀ տարածաշրջանային համադրումների աշխատանքներին, ինչի վերջնական արդյունքները կամփոփվեն 2017թ.-ին:

Կազմակերպվել և իրականացվել են շուրջ 2 000 անվանում սպառողական ապրանք-ծառայություն ներկայացուցիչների, շինանյութերի բաղադրամասերի և ներդրումային ապրանքների գների մասին տեղեկատվության հավաքագրման, ամփոփման աշխատանքներ:

Եռամսյակային պարբերականությամբ գնադիտարկումներ են կազմակերպվել և իրականացվել Երևան, Գյումրի և Վանաձոր քաղաքներում: Պատրաստվել են գնային տեղեկատվության մուտքագրման էլեկտրոնային աղյուսակներ:

ԱՊՀ միջպետական վիճակագրական կոմիտեի հետ համագործակցության շրջանակում իրականացվել են ՀՀ-ում հարմոնիզացված սպառողական գների ինդեքսի (ՀՍԳԻ) ներդրման համար նախապատրաստական աշխատանքներ: Կատարվել է ՀՍԳԻ-ի հաշվարկման համար զամբյուղում ընդգրկվող ապրանք-ծառայությունների ցանկի համաձայնեցում, ճշգրտում, կշիռների լրացուցիչ հաշվարկներ:

Կազմակերպվել և վերահսկվել են ՀՀ բնակավայրերում գների դիտարկման աշխատանքները: Կազմակերպվել են սեմինար-խորհրդակցություններ և հրահանգավորումներ գների դիտարկումով զբաղվող մասնագետների (վիճակագիրների) մասնակցությամբ:

Հանդիպումներ են կազմակերպվել ՀՀ կենտրոնական բանկի, ՀՀ Էկոնոմիկայի, ֆինանսների և քաղաքաշինության նախարարությունների համապատասխան մասնագետների հետ և քննարկումներ իրականացվել ՀՀ-ում գների ինդեքսների հաշվարկման մեթոդաբանական հարցերի շուրջ:

1.4. Աշխատանքի շուկա

1.4.1. Զբաղվածություն և գործազրկություն

Ծրագրով նախատեսված սույն ոլորտի վիճակագրական 6 աշխատանքները (141001-141002, 141004-141007 ծածկագրեր) կատարվել են սահմանված ժամկետներում և պարբերականությամբ: Վիճակագրական տեղեկություններ են հավաքագրվել և մշակվել թվով 3 պետական վիճակագրական հաշվետվությունների ձևերով և 3 աղյուսակներով, ընդ որում 3՝ տարեկան, 2՝ եռամսյակային և 1՝ ամսական պարբերականությամբ:

Շարունակվել են աշխատանքի վիճակագրության մշտադիտարկման մեջ ընդգրկված միավորների արդիականացման, տվյալների բազայում վիճակագրական միավորների ռեկվիզիտների (վավերապայմանների) վերանայման, ինչպես նաև «հատվող» փոփոխականների մասով աշխատանքի վիճակագրության և բիզնես ռեզիստի բազաների նույնականության ապահովման աշխատանքները: Ընդլայնվել է նաև սկզբնական տվյալների բազան (միկրո տվյալների բազան) էլեկտրոնային եղանակով ներկայացնող կազմակերպությունների քանակը:

Շարունակվել է սկզբնական և ամփոփ տվյալների մշակման համակարգչային ծրագրերի կատարելագործման գործընթացը, որի արդյունքում բարելավվել է մշակվող տվյալների որակը, մեծացել հրապարակվող տվյալների մանրամասնեցման (դեզագրեզացման) աստիճանը, ընդլայնվել է էլքային աղյուսակների ցանկը՝ հարըստացնելով ոլորտը բնութագրող ցուցանիշների կազմը:

Շարունակվել են տնային տնտեսություններում աշխատուժի հետազոտության (հետայսու՝ SSUՀ) տվյալների հավաքագրման, ստուգման-կողմնորման, մուտքագրման և տվյալների ամփոփման աշխատանքները: Մասնավորապես.

- ընդլայնվել է 2015թ. հետազոտության ընտրանքային համակցության չափը՝ կազմելով 7 788 տնային տնտեսություն,

- տվյալների որակի բարձրացման նպատակով ընդլայնվել են ինչպես սկզբնական, այնպես էլ ամփոփ տվյալների ստուգման ալգորիթմները (շուրջ 350),

- աշխատանքի շուկայի համակողմանի վերլուծության նպատակով մշակվել են անհրաժեշտ նոր փոփոխականներ (ընդհանուր առմամբ՝ շուրջ 250 ալգորիթմ),

- վերանայվել և ընդլայնվել է 2016թ. հետազոտության հարցաթերթը՝ հիմնականում հաշվի առնելով երկրի տնտեսության համակողմանի վերլուծության և կանխատեսումներ իրականացնելու տեսանկյունից առանձնակի կարևորություն ունեցող մի շարք տվյալների անհրաժեշտության վերաբերյալ ՀՀ ԿԲ-ի առաջարկությունները,

- հարստացվել է աշխատանքի շուկան բնութագրող ցուցանիշների շրջանակը,

- 2014թ. հետազոտության վերջնական ճշգրտված տվյալների վերլուծության արդյունքում հրապարակվել են շուրջ 200 էլքային աղյուսակներ,

- ՀՀ ԱՎԾ պաշտոնական կայքէջում գետեղելու նպատակով 2014թ. հետազոտության անվանագերծված տվյալների բազան մշակվել է նախատեսված ձևաչափով,

- 2015թ. աշխատուժի հետազոտության արդյունքներով հաշվարկված առանցքային ցուցանիշները հրապարակվել են եռամսյակային պարբերականությամբ:

Վերանայվել է նաև ՏՏԿԱՀ-ի 2015թ. հարցաթերթի մաս կազմող «Ջբաղվածություն» բաժինը, ըստ այդմ՝ վերանայվել են տեղեկատվության մուտքագրման փուլի համար անհրաժեշտ ստուգիչ, ինչպես նաև էլքային ցուցանիշների հաշվարկման ալգորիթմները:

Միջազգային համադրելիության ապահովման նպատակով շարունակվել է ցուցանիշների հաշվարկման կիրառվող մեթոդաբանության և տվյալների ներկայացման ձևաչափի կատարելագործումը՝ առաջնորդվելով Աշխատանքի միջազգային կազմակերպության (ԱՄԿ) հրապարակումների չափանիշով:

ԱՄԿ և ԱՄՆ աշխատանքի դեպարտամենտի «Հայաստանում 2015թ. երեխայի աշխատանքի ազգային հետազոտության իրականացման և դրա արդյունքների վերաբերյալ գեկույցի կազմման մասին» ծրագրի շրջանակում ՀՀ մարզերի և Երևան քաղաքի 6 520 տնային տնտեսություններում իրականացվել է 5-17 տարեկան երեխաների զբաղվածության հիմնահարցերին առնչվող «Երեխայի աշխատանքի ազգային միանվագ հետազոտությունը»:

1.4.2. Աշխատավարձ

Ծրագրով նախատեսված սույն ենթահատվածի 142001, 142003, 142004, 142006 և 142007 ծածկագրերով վիճակագրական 5 աշխատանքները (վարձու աշխատողների աշխատավարձն ըստ սեռի, մարզերի, գյուղ/քաղաք բաշխվածության, տնտեսական գործունեության տեսակների, հատվածների, աշխատանքի վարձատրության չափի, աշխատավարձի ժամկետանց պարտքի, գործատուի կողմից աշխատուժի վրա կատարված ծախսերի և այլն) կատարվել են սահմանված ժամկետներում և պարբերականությամբ:

Վիճակագրական տեղեկություններ են հավաքագրվել և մշակվել թվով 3 պետական վիճակագրական հաշվետվությունների ձևերով, 1 հարցաթերթի և 1 դիտարկման աղյուսակի միջոցով, ընդ որում 1՝ ամսական և 4՝ տարեկան պարբերականությամբ:

Շարունակվել են հաշվետվային ձևերի համակարգչային մշակման ծրագրերի, էլքային աղյուսակների ստացման ալգորիթմների կատարելագործման աշխատանքները: Ընդլայնվել է տեղեկատվություն ներկայացնող վիճակագրական միավորների և էլքային աղյուսակների քանակը:

«Ժամանակավոր անաշխատունակության և մայրության նպաստների մասին» գործող ՀՀ օրենքում կատարված փոփոխություններով պայմանավորված, ինչպես նաև միջազգային ստանդարտներին հնարավորինս մոտարկման և տվյալների համադրելիության բարձրացման նպատակով վերանայվել և ՀՀ ՎՊԽ որոշումներով հաստատվել են 142001, 142004 և 142006 ծածկագրերով նախատեսված հաշվետվային ձևերը, դիտարկման հարցաթերթերը և դրանց լրացման հրահանգները:

1.5. Բիզնես ռեգիստր

Ծրագրով նախատեսված սույն ենթահատվածի թվով 2 վիճակագրական աշխատանքները (150001 և 150002 ծածկագրեր) կատարվել են սահմանված ժամկետներում:

Վարչական ռեգիստր հանդիսացող ՀՀ արդարադատության նախարարության իրավաբանական անձանց պետական ռեգիստրի գործակալությունից և ՀՀ ֆինանսների նախարարությունից, սահմանված կարգով, ստացվել են իրավաբանական անձանց և անհատ ձեռնարկատերերի վերաբերյալ տվյալներ, որոնք մշակվել և համադրվել են բիզնես ռեգիստրի տվյալների արդիականացման նպատակով:

Բիզնես ռեգիստրի ձևավորման և արդիականացման նպատակով ՀՀ ԱՎԾ աշխատակազմի մարզային գործակալություններից, ինչպես նաև կառուցվածքային ստորաբաժանումներից ստացվել, համադրվել և ամփոփվել են վերջիններիս վիճակագրական մշտադիտարկումներում առկա իրավաբանական անձանց և անհատ ձեռնարկատերերի վերաբերյալ տվյալների շտեմարանները:

Յուրաքանչյուր եռամսյակի ավարտին ՀՀ ԱՎԾ աշխատակազմի Երևան քաղաքի և մարզային գործակալություններին է տրամադրվել եռամսյակի ընթացքում ՀՀ արդարադատության նախարարության իրավաբանական անձանց պետական ռեգիստրի գործակալությունում գրանցված, փոփոխությունների ենթարկված և լուծարված իրավաբանական անձանց/անհատ ձեռնարկատերերի վերաբերյալ տեղեկատվությունը:

Իրականացվել է շուրջ 16 300 իրավաբանական անձանց և 13 000 անհատ ձեռնարկատերերի 2014թ. տնտեսական գործունեության վերաբերյալ տեղեկատվության (գտնվելու վայրի, գործունեության հիմնական և ոչ հիմնական տեսակների, աշխատողների թվաքանակի, ինչպես նաև գործելու կամ չգործելու վերաբերյալ տվյալներ) արդիականացումը: Գործող` շուրջ 6 400 իրավաբանական անձանց և 27 600 անհատ ձեռնարկատերերի գործունեության արդյունքների վերաբերյալ տեղեկատվություն ստացվել է ՀՀ ֆինանսների նախարարությունից:

Կատարելագործվել են տեղեկատվության ստուգաճշտման, մուտքագրման և վերլուծության համակարգչային ծրագրերը:

1.6. Մասնավորեցում

Ծրագրով նախատեսված սույն ենթահատվածի թվով 1 վիճակագրական աշխատանքը (160001 ծածկագիր) կատարվել է սահմանված ժամկետներում և պարբերականությամբ:

ՀՀ կառավարությանն առընթեր պետական գույքի կառավարման վարչության կողմից ներակայացվող մասնավորեցման արդյունքների վերաբերյալ տեղեկատվությունը զետեղվել է «Հայաստանի Հանրապետության սոցիալ-տնտեսական վիճակը» տեղեկատվական ամսական զեկույցների եռամսյակային թողարկումներում:

1.7. Վիճակագրական դասակարգիչներ

Ծրագրով նախատեսված սույն ենթահատվածի թվով 3 վիճակագրական աշխատանքները (170002, 170003, 170008 ծածկագրեր) կատարվել են սահմանված ժամկետներում:

Ի մասնավորի, շարունակվել են ՏԳՏՀԴ-ի 2-րդ խմբագրության ներդրման ուղղությամբ իրականացվող աշխատանքները:

Տեխնիկատնտեսական ու սոցիալական տեղեկատվության ազգային մակարդակով դասակարգման նկատառումով և, հիմք ընդունելով Եվրոպական համայնքի կողմից մշակված Արտադրանքի դասակարգումն ըստ գործունեության տեսակների դասակարգչի 2008թ. վերանայված տարբերակը (CPA 2008), իրականացվել են «Արդյունաբերական արտադրանքի դասակարգումն ըստ գործունեության տեսակների (9-նիշ մակարդակով) Հայաստանի Հանրապետության դասակարգչի» ազգային մակարդակով մշակման հետ կապված աշխատանքներ:

Տնային տնտեսությունների վերջնական սպառման ծախսերը դասակարգելու նպատակով շարունակվել են «Անհատական սպառման դասակարգիչ՝ ըստ նպատակների Հայաստանի Հանրապետության դասակարգչի» ազգային մակարդակի տեղայնացման ուղղության հետ կապված աշխատանքները:

Հիմք ընդունելով «Ազգային հաշիվների համակարգ- 2008» (ԱՀՀ-2008) մեթոդաբանության վրա հիմնված Եվրասիական տնտեսական հանձնաժողովի կողմից պատրաստված «Տնտեսության ինստիտուցիոնալ հատվածների դասակարգիչը», իրականացվել են վերջինիս ազգային տարբերակի մշակման աշխատանքներ:

Աշխատանքներ են տարվել ՀՀ ԱՎԾ աշխատակազմի կառուցվածքային և առանձնացված ստորաբաժանումների կողմից վարվող վիճակագրական աշխատանքներում դասակարգիչների ներդրման ուղղությամբ:

1.8. Պետական ռեզիստր

Ծրագրով նախատեսված սույն ենթահատվածի թվով 1 վիճակագրական աշխատանքը (180001 ծածկագիր) կատարվել է սահմանված ժամկետում:

Վարչական ռեզիստր հանդիսացող ՀՀ արդարադատության նախարարության իրավաբանական անձանց պետական ռեզիստրի գործակալությունից սահմանված կարգով ստացվել է նոր գրանցված իրավաբանական անձանց և անհատ ձեռնար-

կատերերի վերաբերյալ առցանց տեղեկատվություն՝ «ՀՀ սոցիալ-տնտեսական վիճակը» տեղեկատվական ամսական զեկույցներում հրապարակման նպատակով:

2. ՀԱՐԿԱԲՅՈՒՋԵՏԱՅԻՆ ՀԱՏՎԱԾ

3. ՖԻՆԱՆՍԱԿԱՆ ՀԱՏՎԱԾ

Ծրագրով նախատեսված թվով 25 վիճակագրական աշխատանքներ (200001-200005 և 300001-300019 և 112013 ծածկագրեր) կատարվել են սահմանված ժամկետներում և պարբերականությամբ:

2015թ. ընթացքում ամսական պարբերականությամբ ՀՀ ֆինանսների նախարարությունից հավաքվել են վիճակագրական տեղեկություններ պետական բյուջեի կատարման վերաբերյալ (ըստ ֆինանսավորման), իսկ եռամսյակային պարբերականությամբ՝ տեղեկատվություն պետական և համայնքների բյուջեների եկամուտների և ծախսերի փաստացի կատարողականի, ինչպես նաև ՀՀ պետական պարտքի (ներքին և արտաքին) վերաբերյալ:

ՀՀ ԿԲ-ից ամսական, եռամսյակային և տարեկան պարբերականությամբ հավաքվել են վիճակագրական տեղեկություններ դրամավարկային ու բանկային համակարգի, ապահովագրական ընկերությունների, արժեթղթերի շուկայի, գրավատների, վճարահաշվարկային կազմակերպությունների, արժույթային դիլերների և փոխանակման կետերի գործունեության վիճակագրական հիմնական ցուցանիշների վերաբերյալ:

ԱՄՀ-ի ՏՏՀՄ-ին Հայաստանի Հանրապետության անդամակցության շրջանակում, ՀՀ ֆինանսների նախարարությունից ստացվել են ՀՀ կենտրոնական և ընդհանուր կառավարության, արտաքին պետական պարտքի, իսկ ՀՀ ԿԲ-ից՝ կենտրոնական բանկի և բանկային համակարգի ամփոփ հաշվեկշռային ցուցանիշների և միջազգային պահուստների վերաբերյալ ամփոփ տվյալները և տեղադրվել ՀՀ ԱՎԾ կողմից ՏՏՀՄ ձևաչափով վարվող Հայաստանի Ազգային ամփոփ տվյալների էջում:

ՀՀ ԿԲ-ից ամսական պարբերականությամբ ստացվել և հրապարակվել են նաև ֆինանսական շուկայում ձևավորված ամենօրյա և ամսական միջին փոխարժեքների վերաբերյալ տեղեկություններ:

4. ԱՐՏԱՔԻՆ ՀԱՏՎԱԾ

Ծրագրով նախատեսված սույն հատվածի թվով 56 վիճակագրական աշխատանքները (410001-410003, 411001-411005, 411008-411018, 412001-412005, 412008-412021, 420001, 420007-420008, 420010-420013, 430001-430002, 430004, 430006, 430010-430012, 440001-440002, 450002, 460002 ծածկագրեր) կատարվել են սահմանված ժամկետներում և պարբերականությամբ (19 ամսական, 16 եռամսյակային և 21 տարեկան):

Ոլորտի վերաբերյալ սկզբնական վիճակագրական տվյալները հավաքագրվել և մշակվել են թվով 7 պետական վիճակագրական հաշվետվությունների ձևերով (3-ը՝

միջազգային ծառայությունների առևտրի գծով, 1-ը՝ օտարերկրյա ներդրումների, 2-ը՝ բնական գազի արտահանման և ներմուծման և 1-ը՝ զբոսաշրջության):

Բացի այդ, արտաքին և փոխադարձ առևտրի, վճարային հաշվեկշռի ընթացիկ հաշվի «Ապրանքներ և ծառայություններ» հոդվածների գծով ցուցանիշների հաշվարկման համար օգտագործվել են վարչական ռեգիստրների՝ մասնավորապես ՀՀ ֆինանսների նախարարության կողմից ստացվող բեռնամաքսային հայտարարագրերի, ֆիզիկական անձանց կողմից կատարված առևտրի և «Ապրանքների փոխադրման հաշվառման վիճակագրական ձևի» տվյալների բազաները, ՀՀ ԿԲ-ից ստացված տեղեկանքները:

Կազմվել են.

-2014թ. IV եռամսյակի և տարեկան ՀՀ վճարային հաշվեկշիռների ընթացիկ հաշիվների «Ապրանքներ և ծառայություններ» հոդվածները, 2015թ. I, II և III եռամսյակների ՀՀ վճարային հաշվեկշիռների ընթացիկ հաշիվների «Ապրանքներ և ծառայություններ» հոդվածները:

Հավաքագրվել են.

-ամսական պարբերականությամբ՝ տվյալներ արտաքին և փոխադարձ առևտրի, մասնավորապես բեռնամաքսային հայտարարագրերի, ֆիզիկական անձանց կողմից կատարվող առևտրի և «Ապրանքների փոխադրման հաշվառման վիճակագրական ձևի», բնական գազի արտահանման և ներմուծման և էլեկտրաէներգիայի արտահանման ու ներմուծման ծավալների վերաբերյալ,

-եռամսյակային պարբերականությամբ՝ տվյալներ միջազգային ծառայությունների առևտրի (կապ, զբոսաշրջության, տրանսպորտ, մշակույթ և այլն), օտարերկրյա ներդրումների (ուղղակի, պորտֆելային և այլ՝ ներառյալ միջազգային վարկերը):

ԱՄՆ ՏՏՆ-ին անդամակցությամբ պայմանավորված, շարունակվել է վճարային հաշվեկշռի, միջազգային ներդրումային և արտաքին պարտքի դիրքերի, ապրանքների արտաքին առևտրի մեթատվյալների վերանայումը և դրանց զետեղումը Հայաստանի Ազգային ամփոփ տվյալների էջում:

Միննույն ժամանակ, սկսած 2009թ. մայիսից ՀՀ ԱՎԾ պաշտոնական կայքէջում, ամսական կտրվածքով, տեղադրվել են ՀՀ արտաքին առևտրի ցուցանիշների (արտահանում և ներմուծում՝ ըստ ապրանքային անվանացանկի 4-նիշ դասակարգման, ապրանքի ծագման երկրի և առևտուր անող երկրի հատկանիշների) շարժընթացը, սկսած 1995թ.-ից՝ ըստ գործընկեր երկրների, իսկ 2010թ. հուլիսից՝ նաև ՀՀ վճարային հաշվեկշռի, իսկ դեկտեմբերից՝ ՀՀ միջազգային ներդրումային դիրքի և ՀՀ համախառն արտաքին պարտքի ցուցանիշների շարքերը:

Համաձայն ՀՀ ԱՎԾ և Եվրոստատի միջև կնքված արտաքին առևտրի տվյալների փոխանակման Համաձայնագրի, յուրաքանչյուր եռամսյակ, ամսական կտրվածքով, արտաքին առևտրի տվյալները 10-նիշ դասակարգմամբ ներկայացվել են Եվրոստատին՝ համապատասխան ձևաչափով, ամսական տվյալները նույնպես 10-նիշ դասակարգմամբ ներկայացվել են նաև ՄԱԿ-ի վիճակագրական բաժին:

Եվրասիական տնտեսական միությանը Հայաստանի Հանրապետության անդամակցությամբ պայմանավորված, համապատասխան ձևաչափով յուրաքանչյուր ամիս արտաքին և փոխադարձ առևտրի տվյալները 10-նիշ դասակարգմամբ ներկայացվել են Եվրասիական տնտեսական հանձնաժողովին:

ՀՀ արտաքին առևտրի տվյալներն ամսական կտրվածքով Ինտեգրացված թղթակցության համակարգի (ԻԹՀ) միջոցով տեղադրվել են ԱՄՀ կայքէջում:

5.ՍՈՑԻԱԼ-ԺՈՂՈՎՐԴԱԳՐԱԿԱՆ ՀԱՏՎԱԾ

5.1.Ժողովրդագրություն

Ծրագրով նախատեսված սույն ենթահատվածի թվով 21 վիճակագրական աշխատանքների (511001-511010, 512001, 512003-512005, 512007, 513001-513006) կատարումն ապահովվել է ամբողջությամբ՝ սահմանված ժամկետներում և պարբերականությամբ:

Շարունակվել են աշխատանքները բնական շարժի, միգրացիայի, բնակչության սեռատարիքային կազմի հաշվարկի, ծնելիության և մահացության ցուցանիշները բնութագրող ելքային աղյուսակների ստացման համակարգի լրամշակման ուղղությամբ:

2015թ. հունվարի 1-ի դրությամբ գյուղապետարանների կողմից անցկացված ՀՀ գյուղական բնակչության սեռատարիքային կազմի հաշվառման արդյունքներով՝ ըստ Ձև թիվ 9-Ս պետական վիճակագրական հաշվետվությունների, տվյալներ են ստացվել բոլոր 866 գյուղական համայնքներից: Դրանցում ամփոփվել են համայնքներում տնային տնտեսությունների քանակի, մշտական բնակչության թվաքանակի, առկա բնակչության առանձին տարիքների և տարիքային խմբերի, տնային տնտեսությունների զբաղված անդամների՝ գյուղատնտեսական և այլ ոլորտներում զբաղվածների թվաքանակի վերաբերյալ ցուցանիշները:

ՀՀ ԱՎԾ աշխատակազմի մարզային գործակալությունների կողմից կազմվել են նաև ամփոփ տեղեկագրեր՝ ըստ առանձին գյուղական բնակավայրերի հիմնական ցուցանիշների, նախկին վարչական շրջանների (տարածաշրջանների):

Ձև թիվ 9-Ս պետական վիճակագրական հաշվետվության ծրագրային մշակման արդյունքում ստացվել են գյուղական համայնքների առկա և մշտական բնակչության թվաքանակի, սեռատարիքային կազմի, տնային տնտեսությունների քանակի և ՀՀ մարզերի ու տարածաշրջանների զբաղված բնակչության թվաքանակների բաշխումը բնութագրող ելքային աղյուսակներ:

Գյուղական բնակչության սեռատարիքային կազմի հաշվառման արդյունքներով պատրաստվել է ՀՀ գյուղական համայնքների (բնակավայրերի) ցանկն ըստ ՀՀ մարզերի մշտական բնակչության թվաքանակի, իսկ քաղաքային և ք. Երևանի վարչական շրջանների մշտական բնակչության թվաքանակներն ըստ բնակչության ընթացիկ հաշվառման տվյալների:

ՀՀ արդարադատության նախարարության (ՀՀ ԱՆ) Քաղաքացիական կացության ակտերի գրանցման (ՔԿԱԳ) տարածքային բաժիններից ամսական պարբերականությամբ ստացված ծննդյան, մահվան, ամուսնության, ամուսնալուծության ակտերի մշակման արդյունքում ստացվել են ամենամսյա օպերատիվ տվյալներ՝ ՀՀ մարզերի և տարածաշրջանների բաշխմամբ, որոնց հիման վրա ամփոփվել են բնակչության բնական շարժը բնութագրող ցուցանիշների վերաբերյալ տարեկան վիճակագրական ցուցանիշները:

2014թ. 12 ամիսների ընթացքում, ինչպես նաև 2015թ. հունվարի գրանցումներից (փետրվարին ստացված) ծննդյան կամ մահվան փաստացի ժամկետով 2014թ.-ին տեղի ունեցած, ակտերի մշակման արդյունքում ամփոփվել են 2014թ. բնական շարժի վերաբերյալ տարեկան վիճակագրական ցուցանիշները, իսկ ծրագրային մշակմամբ ձևավորված բազային ցուցանիշների խմբագրման արդյունքում ստացվել են 22 էլքային աղյուսակներ:

«Քաղաքացիական կացության ակտերի մասին» ՀՀ օրենքում լրացումներ կատարելու մասին 2014թ. հունիսի 21-ին ընդունված ՀՀ օրենքի համաձայն՝ ՀՀ արդարադատության նախարարությունն անցում է կատարել ՔԿԱԳ-ի միասնական էլեկտրոնային կառավարման համակարգի:

2015թ.-ին ՔԿԱԳ-ի թղթային ակտերին զուգահեռ կատարվել են այդ համակարգի միջոցով էլեկտրոնային ձևաչափով ստացվող փորձնական ծրագրի՝ ծննդյան, մահվան, ամուսնության, ամուսնալուծության ակտերում ներառված տվյալների տրամաբանական ստուգման, ճշգրտման, խմբագրման, վիճակագրական մշակման նախապատրաստման ամենամսյա աշխատանքները:

ՀՀ կառավարության 2011թ. սեպտեմբերի 22-ի «ՀՀ ազգային վիճակագրական ծառայությանը բնակչության պետական ռեգիստրի տեղեկատվական համակարգից տվյալներ տրամադրելու կարգը» հաստատելու մասին թիվ 1333-Ն որոշման համաձայն, «եկողների» և «մեկնողների» տվյալների վերաբերյալ 2014թ. տեղեկատվությունը, եռամսյակային պարբերականությամբ, ստացվել է էլեկտրոնային բազայով, որի մշակման արդյունքում ստացված օպերատիվ տվյալների հիման վրա ստացվել են բնակչության միգրացիոն տեղաշարժերի վերաբերյալ վիճակագրական ցուցանիշները:

Բնակչության բնական շարժի՝ ամսական և մեխանիկական շարժը բնութագրող՝ եռամսյակային օպերատիվ ցուցանիշների հիման վրա, տարեկան և եռամսյակային պարբերականությամբ, հաշվարկվել են 2015թ. մշտական բնակչության թվաքանակի ցուցանիշները և պատրաստվել են «ՀՀ մշտական բնակչության թվաքանակը» վիճակագրական տեղեկագրերը՝ ըստ ՀՀ մարզերի, տարածաշրջանների, քաղաքային, գյուղական բաշխումով, ք. Երևանի՝ վարչական շրջանների կտրվածքով:

Իրականացվել է ՀՀ մարզերի և Երևան քաղաքի մշտական բնակչության սեռատարիքային կազմի հաշվարկը (ՀՀ 2011թ. մարդահամարի հիմքով) 01.01.2015թ.-ի դրությամբ՝ քաղաքային և գյուղական կտրվածքով, որոնք տեղադրվել են նաև ՀՀ ԱՎԾ պաշտոնական կայքէջի «Ժողովրդագրական տվյալների բազա» հատվածում:

ԱՄՀ ՏՏՀՄ-ին ՀՀ-ի անդամակցության շրջանակում, եռամսյակային պարբերականությամբ, «Բնակչություն» ենթաբաժնի համար հաշվարկվել է բնակչության թվաքանակի միջին ցուցանիշի վերաբերյալ տեղեկատվությունը և զետեղվել ՀՀ ԱՎԾ պաշտոնական կայքէջի համապատասխան հատվածում:

ՄԱԿ-ի վիճակագրության բաժնի, Եվրոպական տնտեսական հանձնաժողովի, Եվրոստատի, ԵԱՀԿ-ի և մի շարք այլ միջազգային կազմակերպությունների հայցերով պատրաստվել և ներկայացվել է տեղեկատվություն՝ բնակչության թվաքանակի, սեռատարիքային կազմի, ծնելիության, մահացության և դրա պատճառների, ամուսնության և ամուսնալուծության, կյանքի սպասվող տևողության մասին:

2015թ. առաջին կիսամյակից սկսած՝ միգրացիոն վիճակագրությունը համալրվել է ՀՀ կառավարությանն առընթեր ազգային անվտանգության ծառայությունից

ստացված Հայաստանի Հանրապետությունում կացության կարգավիճակ ստացած օտարերկրացիների վերաբերյալ Ձև թիվ 1-կացություն (կիսամյակային) և Ձև թիվ 2- կացություն (տարեկան) ամփոփ հաշվետվություններով և ներառվել է «ՀՀ սոցիալ-տնտեսական վիճակը 2015թ. հունվար-սեպտեմբերին» և «ՀՀ սոցիալ-տնտեսական վիճակը 2015թ. հունվար-դեկտեմբերին» տեղեկատվական ամսական զեկույցներում:

Կատարվել են ՀՀ գյուղական համայնքներում տնային տնտեսությունների հաշվառման ձևերի՝ «Համայնքի գիրք Ձև թիվ 1», «Հաշվառման Ձև թիվ 2 ցուցակ», «Այբբենական գիրք Ձև թիվ 3», «Ցուցումների» վերանայման, լրամշակման, դրանց բաշխումն ապահովող աշխատանքներ՝ ըստ ՀՀ մարզերի:

Բնակչության տեղաշարժերի վերաբերյալ վիճակագրական տեղեկատվության որակական հատկանիշների բարելավման անհրաժեշտությամբ պայմանավորված՝ լրամշակվել և նախապատրաստվել է «ՀՀ կառավարության 2011թ. սեպտեմբերի 22-ի թիվ 1333-Ն որոշման մեջ լրացումներ կատարելու մասին» ՀՀ կառավարության որոշման նախագիծը, ինչպես նաև ստացվել է նախագծի վերաբերյալ ՀՀ կառավարությանն առընթեր ՀՀ ոստիկանության դրական դիրքորոշումը:

5.2-5.7. Սոցիալական ոլորտ (առողջապահություն և սոցիալական ապահովություն, իրավական ոլորտ, կրթություն և գիտություն, մշակույթ և սպորտ, բնական պաշարներ և շրջակա միջավայր, բնակարանային ֆոնդ և կոմունալ տնտեսություն)

Օրագրով նախատեսված սույն ենթահատվածի թվով 108 վիճակագրական աշխատանքները (520001-520020, 520022-520035, 520037-520038, 520040-520045, 530001-530009, 540001-540012, 550001-550009, 550011, 560001-560024, 570001-570011 ծածկագրեր) կատարվել են սահմանված ժամկետներում և պարբերականությամբ:

Օրագրով նախատեսված այս ոլորտի վերաբերյալ վիճակագրական տեղեկատվությունը հավաքագրվել է 108 վիճակագրական հաշվետվությունների ձևերով: ՀՀ բնապահպանության նախարարության «Շրջակա բնական միջավայրի աղտոտվածության մասին» ամսական տեղեկանքով, «Հայաստանի Հանրապետության տարածքի կլիմայական պայմանների և մակերևութային ջրային օբյեկտների վիճակի գնահատում» եռամսյակային տեղեկանքով և «Մակերևութային ջրերի քանակի և որակի մասին» տարեկան տեղեկագրով, ՀՀ տարածքային կառավարման և արտակարգ իրավիճակների նախարարության «Ամսվա ընթացքում դիտված հիդրոոդերևութաբանական պայմանների մասին» ամսական տեղեկանքով և ՀՀ առողջապահության նախարարության «Առողջություն և առողջապահություն» տարեկան տեղեկագրով, ՀՀ կառավարությանն առընթեր ՀՀ ոստիկանության «Հանցագործություններ» տարեկան տեղեկագրով և ՀՀ կառավարությանն առընթեր անշարժ գույքի կադաստրի պետական կոմիտեի «Հայաստանի Հանրապետության անշարժ գույքի շուկայի վերլուծություն» ամսական ամփոփագրով:

Սոցիալական ոլորտի վիճակագրական տեղեկատվությունը հավաքագրվել է 73 վիճակագրական հաշվետվությունների ձևերով, 2-ը՝ ամսական, 6-ը՝ եռամսյակային, 9-ը՝ կիսամյակային և 56-ը՝ տարեկան պարբերականությամբ:

Շրջակա միջավայրի և բնական պաշարների վերաբերյալ վիճակագրական տեղեկատվությունը հավաքագրվել է 24 վիճակագրական հաշվետվությունների ձևերով, 1-ը՝ եռամսյակային, 2-ը՝ կիսամսյակային, 21-ը՝ տարեկան պարբերականությամբ:

Բնակարանային-կոմունալ տնտեսության վերաբերյալ վիճակագրական տեղեկատվությունը հավաքագրվել է 11 վիճակագրական հաշվետվությունների ձևերով, որոնցից 1-ը՝ եռամսյակային, 10-ը՝ տարեկան պարբերականությամբ:

Հավաքագրվող վիճակագրական ցուցանիշները միջազգային չափանիշներին և դասակարգմանը համապատասխանեցնելու, վիճակագրական տեղեկատվություն սպառողների (օգտագործողների) պահանջարկն ամբողջությամբ բավարարելու նպատակով, վերանայվել են առողջապահության, գյուղատնտեսության և բնապահպանության ոլորտներին առնչվող վիճակագրական հաշվետվությունների ձևերը և համապատասխան փոփոխություններ կատարվել ներառված ցուցանիշների կազմում:

Վարչական ռեգիստրների ներդրման և կատարելագործման ուղղությամբ ՀՀ ԱՎԾ-ն համագործակցել է համապատասխան ոլորտները համակարգող նախարարությունների և գերատեսչությունների հետ, որի արդյունքում.

- կրթության ոլորտի վարչական վիճակագրության վարման աշխատանքներն աշխատանքային քննարկումների փուլում են,
- շարունակվել են ՀՀ սպորտի և երիտասարդության հարցերի նախարարության համակարգում վարչական ռեգիստրի ձևավորման և վարչական վիճակարության ներդրման աշխատանքները,
- շարունակվել է գործնական օժանդակությունը ՀՀ բնապահպանության, ՀՀ գյուղատնտեսության և ՀՀ առողջապահության նախարարությունների համակարգերում վարչական վիճակագրական ռեգիստրների ամբողջական ձևավորման գործընթացին: Տեղեկատվության որակի բարձրացման և հաշվետվություն ներկայացնողների աշխատանքը թեթևացնելու նպատակով ՀՀ բնապահպանության և գյուղատնտեսության նախարարությունների համակարգերում վերանայվել է 3 պետական վիճակագրական ամփոփ հաշվետվային ձևեր, իսկ 4 պետական վիճակագրական ամփոփ հաշվետվությունների ձևերը վերանայվել և միավորվել են մեկ պետական վիճակագրական ամփոփ հաշվետվության նոր ձևում: ՀՀ առողջապահության նախարարության համակարգում վերանայվել է 4 և ներդրվել 3 նոր վարչական վիճակագրական հաշվետվային ձևեր,
- սոցիալական և բնապահպանության ոլորտներում նաև ներդրվել են մեկական պետական վիճակագրական հաշվետվային ձևեր:

Շարունակվել են աշխատանքները սոցիալական վիճակագրությանն առնչվող ոլորտների համար վիճակագրական տվյալների մարզային բազաների կատարելագործման ուղղությամբ:

Շարունակվել են առողջապահության, բնապահպանական ցուցանիշների հաշվառման համակարգի մշակման աշխատանքները: Աշխատանքներ են տարվել սոցիալական և բնապահպանության վիճակարության ոլորտներում համապատասխան ցուցանիշների վերանայման և ներդրման ուղղությամբ:

Ընթացքի մեջ են նաև ազգային հաշիվների համակարգում բնապահպանական հաշիվների ներդրման աշխատանքները:

5.8. Տնային տնտեսությունների հետազոտություններ

Ծրագրով նախատեսված տնային տնտեսությունների հետազոտությունների գծով՝ թվով 20 վիճակագրական աշխատանքները (580001-580006, 580008-580021 ծածկագրեր), ամբողջությամբ կատարվել են:

Համաձայն Ծրագրի, ՀՀ պետական բյուջեի ֆինանսավորմամբ, 2015թ. հունվարի 1-ից դեկտեմբերի 31-ն անց է կացվել տնային տնտեսությունների կենսապայմանների ամբողջացված հետազոտություն (SSԿԱՀ):

Տնային տնտեսությունների ընտրանքի չափը մեկ տարվա համար կազմել է 5 184 տնային տնտեսություն: Ապահովվել են մարզային կտրվածքով նվազագույն ներկայացուցչական տվյալներ: Յուրաքանչյուր ամիս հետազոտվել է 432 տնային տնտեսություն: Տնային տնտեսությունների ընտրանքում ընդգրկումն իրականացվել է ամենամսյա ռոտացիայի (փոխարինման) եղանակով: Հավաքագրված տվյալների ամփոփումը եկամուտների, ծախսերի, հիմնական սննդամթերքի սպառման, աղքատության մակարդակի, բնակչության սոցիալ-ժողովրդագրական բնութագրիչների, ինչպես նաև այլ ցուցանիշներով, կատարվել է տարեկան կտրվածքով:

SSԿԱՀ-ի նախնական տարեկան արդյունքները զետեղվել են «Պարենային ապահովություն և աղքատություն, 2015թ. հունվար-հունիս» վիճակագրական տեղեկագրում:

Հետազոտության արդյունքների հիման վրա կատարելագործվել են 2016թ.-ին նախատեսվող SSԿԱՀ-ի գործիքները՝ հարցաթերթն ու օրագիրը:

Իրականացվել են 2014 թ.-ի SSԿԱՀ-ի տվյալների բազայի տրամաբանական ստուգման և կազմավորման աշխատանքները: Ձևավորված բազայի անվանազերծված տարբերակը հետագա վերլուծության համար տրամադրվել է ՀԲ-ին, ՄԱԿ-ի մանկական հիմնադրամին, ՄԱԿ-ի Պարենի համաշխարհային կազմակերպությանը և ՀՀ աշխատանքի և սոցիալական հարցերի նախարարությանը:

ՀՀ ԱԿԾ պաշտոնական կայքէջում տեղադրված 2004-2013թթ. տնային տնտեսությունների և տնային տնտեսությունների անդամների մակարդակով SSԿԱՀ-ի անվանազերծված միկրոֆայլերը համարվել են 2014թ.-ի տվյալներով:

Եռամսյակային պարբերականությամբ հաշվարկվել է նվազագույն սպառողական զամբյուղը՝ միջին ընթացիկ գներով (երկու տարբերակով):

ԵՄ Թվինինգ ծրագրի նեքրո 2015թ. հոկտեմբեր ամսին 48 տնային տնտեսություններում անց է կացվել տնային տնտեսությունների անդամների «Սոցիալական ներառումներ» փորձնական հետազոտություն: Հետազոտության արդյունքներն ամփոփվել են տվյալների բազայի տեսքով և տրամադրվել ծրագրի ղեկավարին: Ծրագրի փորձագետների աջակցությամբ պատրաստվել է 2016թ. համար նախատեսված «Սոցիալական բացառումներ» մոդուլի հարցաթերթը:

Վերանայվել է «Հայաստանի ժողովրդագրության և առողջության հարցերի հետազոտության» տնային տնտեսության հարցաթերթը և 2015թ. դեկտեմբերի 8-ից սկսվել են հետազոտության դաշտային աշխատանքները:

5.9. Պարենային ապահովություն

Ծրագրով նախատեսված սույն ենթահատվածի թվով 2 վիճակագրական աշխատանքների՝ «Պարենային ապահովության և աղքատության վերաբերյալ տեղեկատվության մշակում և ամփոփում» (ծածկագիր՝ 590001) և «Ազգային պարենային հաշվեկշռի կազմում» (ծածկագիր՝ 590002), կատարումն ապահովվել է սահմանված ժամկետներում և պարբերականությամբ:

Հավաքագրվել, մշակվել և ամփոփվել են պարենային ապահովության վիճակագրությանն առնչվող մակրոտնտեսական, սոցիալական և ժողովրդագրական ոլորտների, աշխատանքի վիճակագրության, երեխաների խնամքի և պաշտպանության միջոցառումների, գների և գների ինդեքսների, գյուղատնտեսության, գյուղատնտեսական հողերի բարելավման, գյուղատնտեսական կենդանիների վարակիչ հիվանդությունների, բույսերի կարանտինի և պաշտպանության միջոցառումների, ագրոօդերևութաբանական տեղեկատվության, պարենամթերքի արտաքին առևտրի, անտառպահպանության, անտառպաշտպանության և անտառվերականգման միջոցառումների և տնային տնտեսությունների հետազոտության արդյունքների աղքատության վերաբերյալ ցուցանիշները, որոնք եռամսյակային պարբերականությամբ հրապարակվել են «Պարենային ապահովություն և աղքատություն» վիճակագրական տեղեկագրում:

Հիմք ընդունելով միջազգային կազմակերպությունների կողմից ընդունված չափանիշները՝ կազմվել են 2014թ. առանձին ապրանքախմբերի ազգային պարենային հաշվեկշիռները:

2015թ.-ին աշխատանքային քննարկումներ են կազմակերպվել ՀՀ ԱՎԾ աշխատակազմի կառուցվածքային ստորաբաժանումների, շահագրգիռ գերատեսչությունների ու կազմակերպությունների աշխատակիցների հետ, որոնց արդյունքների հիման վրա վերանայվել են պարենային ապահովության ոլորտի տվյալների բազայի որոշ խումբ ցուցանիշներ:

ԳՅՈՒՂԱՏՆՏԵՍԱԿԱՆ ՀԱՄԱՏԱՐԱԾ ՀԱՇՎԱՌՈՒՄ (ԳՀՀ)

Գյուղատնտեսական համատարած հաշվառման աշխատանքները տարվել են՝ ղեկավարվելով «Գյուղատնտեսական համատարած հաշվառման մասին» ՀՀ օրենքի դրույթներով, ՀՀ կառավարության որոշումներով, «Հայաստանի Հանրապետությունում 2014 թվականի գյուղատնտեսական համատարած հաշվառման նախապատրաստման և անցկացման աշխատանքների ժամանակացույցով», ՀՀ ՎՊԽ որոշումներով և ՀՀ ԱՎԾ նախագահի հրամաններով:

Հունվար ամսվա ընթացքում՝

- իրականացվել է գյուղատնտեսական համատարած հաշվառման նյութերի դասակարգումը վարչատարածքային կտրվածքով,
- հաշվարկվել են գյուղատնտեսական համատարած հաշվառման նախնական արդյունքները գյուղատնտեսական համատարած հաշվառման աշխատանքներն իրականացնողների և այդ աշխատանքները վերահսկողների կողմից կազմված ամփոփ տեղեկագրերի հիման վրա:

Փետրվարին ԳՀՀ և հետգյուղատնտեսական հաշվառման (ՀԳՀ) հարցաթերթերի մշակման (հավաքագրված տվյալների ստուգման/ծածկագրման և մուտքագրման)

աշխատանքների համար կատարվել է այդ աշխատանքներն իրականացնելու համար ընտրված ստուգող/ծածկագրողների և մուտքագրողների հավաքագրում ու նրանց հետ աշխատանքային պայմանագրերի կնքումը:

ԳՀՀ տվյալների մշակման և դասակարգումների բաժնի աշխատակիցների կողմից իրականացվել է տվյալները ստուգող/ծածկագրողների, իսկ ԳՀՀ տեղեկատվական տեխնոլոգիաների և ծրագրավորման բաժնի աշխատակիցների կողմից մուտքագրողների հրահանգավորում:

Տվյալների մշակման աշխատանքների շրջանակում **փետրվար ամսից** սկսվել է ԳՀՀ և ՀԳՀ հարցաթերթերի ամբողջական լրացման, հարցաթերթերի համապատասխան հարցերի տրամաբանական կապվածության և ճշգրտության ստուգում, ըստ անհրաժեշտության համապատասխան հարցերի ծածկագրում՝ ստուգող/ծածկագրողների կողմից: Զուգահեռաբար, մուտքագրողների կողմից իրականացվել է ԳՀՀ և ՀԳՀ հարցաթերթերի տվյալների մուտքագրման աշխատանքները:

Օգոստոսին ԳՀՀ տեղեկատվական տեխնոլոգիաների և ծրագրավորման բաժնի աշխատակիցների կողմից կատարվել է ԳՀՀ տվյալների բազայի ձևավորում:

Նոյեմբերի 27-ին ք. Երևան, «Արմենիա Մարիոթ» հյուրանոցում տեղի է ունեցել «ԳՀՀ տվյալների մշակման և հրապարակումների նախապատրաստման ընթացիկ իրավիճակը» խորագրով սեմինար:

Մեպտեմբեր – դեկտեմբեր ամիսների ընթացքում իրականացվել են ԳՀՀ հարցաթերթերի տվյալների տրամաբանական ստուգման և դրանց ուղղման աշխատանքները:

7. ՎԻՃԱԿԱԳՐԱԿԱՆ ՀԵՏԱԶՈՏՈՒԹՅՈՒՆՆԵՐ

2015թ. ընթացքում Ծրագրով նախատեսված 4 վիճակագրական հետազոտություններից 3-ն իրականացվել են ՀՀ պետական բյուջեի, իսկ 1-ը՝ ԱՄՆ միջազգային զարգացման գործակալության (**ՄԶԳ**) ֆինանսավորման հաշվին,

ՀՀ պետական բյուջեի ֆինանսավորման հաշվին իրականացվել են.

- «**Հացահատիկի բերքահավաքի որակի հետազոտություն**» (համապատասխան տեղեկանքների մշակման միջոցով հացահատիկային մշակաբույսերի բերքահավաքի ժամանակ կորուստների հաշվառման նպատակով),

- «**Տնային տնտեսությունների կենսապայմանների ամբողջացված հետազոտություն**» (ՀՀ-ում աղքատության մակարդակի և սոցիալական իրավիճակի վերաբերյալ տեղեկություններ ստանալու նպատակով),

- «**Աշխատուժի հետազոտություն**» (ՀՀ աշխատանքի շուկան բնութագրող տեղեկատվության ապահովումը՝ աշխատանքային ռեսուրսների, տնտեսապես ակտիվ (աշխատուժի), տնտեսապես ոչ ակտիվ բնակչության թվաքանակը, զբաղվածությունը (այդ թվում՝ նաև ոչ ֆորմալ), գործազրկությունն ըստ ժողովրդագրական, կրթական, սոցիալ-տնտեսական և այլ բնութագրերի՝ ԱՄԿ մեթոդաբանությանը համապատասխան):

ԱՄՆ-ի ՄԶԳ ֆինանսավորման հաշվին իրականացվել է «**Հայաստանի ժողովրդագրության և առողջության հարցերի հետազոտություն**»-ը՝ ՀՀ բնակչության, առողջության և սնուցման վերաբերյալ տվյալների վերլուծության և մշակման, պլանավորման քաղաքականության մշակման և ծրագրերի իրականացման ընթացքում տվյալների կիրառման խթանման համար:

8.1-8.5. Վիճակագրական ժողովածուներ (տարեգրքեր), տեղեկագրեր, մամուլի հաղորդագրություններ, տեղեկատվական ամսական զեկույցներ

Ծրագրով նախատեսված տեղեկատվահրատարակչական գործունեության մասով, 2015 թվականին ՀՀ ԱՎԾ կողմից հրատարակվել է 52 անուն վիճակագրական հրատարակում՝ ներառյալ «ՀՀ սոցիալ-տնտեսական վիճակը» տեղեկատվական ամսական զեկույցը (հայերեն և ռուսերեն):

ՀՀ ԱՎԾ կողմից 2015 թվականի ընթացքում հրատարակվել է 19 վիճակագրական ժողովածու:

Հրատարակվել են Ծրագրով նախատեսված «Ազգային ամփոփ տվյալների էջը» և 17 անուն վիճակագրական տեղեկագրեր (ամսական, եռամսյակային, տարեկան պարբերականությամբ), ինչպես նաև «ՀՀ սոցիալ-տնտեսական վիճակը» տեղեկատվական ամսական զեկույցը (հայերեն և ռուսերեն):

«ՀՀ սոցիալ-տնտեսական վիճակը» տեղեկատվական ամսական զեկույցները կառուցվել են ճյուղային (գերատեսչական) և տեղական (համայնքային) վիճակագրություն իրականացնող մարմինների, վիճակագրական այլ տեղեկություններ տրամադրողների կողմից ներկայացված պետական վիճակագրական հաշվետվությունների (հարցաթերթերի, տեղեկանքների և այլն), հաշվարկների և ՀՀ ԱՎԾ կողմից դրանց ամփոփման, մշակվող ցուցանիշների, իրականացվող հետազոտությունների, տեղեկատվահրատարակչական գործունեության արդյունքում ամփոփված նյութերի (ժողովածուների, տեղեկագրերի, մամուլի հաղորդագրությունների, զեկույցների) հիման վրա:

Տեղեկատվական ամսական զեկույցներն ամսական պարբերականությամբ ներկայացվել են հակիրճ, եռամսյակային պարբերականությամբ՝ առավել մանրամասն, ընդլայնված ու ընդհանրական: Եռամսյակային պարբերականությամբ զեկույցներում ընդգրկվել են «ԱՊՀ երկրների հիմնական մակրոտնտեսական ցուցանիշների միջազգային համադրումներ»՝ ըստ ԱՊՀ միջպետական վիճակագրական կոմիտեի տվյալների, «Հետաքրքրաշարժ վիճակագրություն», «Մեթոդաբանական պարզաբանումներ» և «ՀՀ ԱՎԾ փաստացի հրատարակումների ցանկ» հավելվածները:

Զեկույցներում արտացոլված, ինչպես նաև վիճակագրական այլ տեղեկություններ զետեղվել են ՀՀ ԱՎԾ <http://www.armstat.am> (հայերալային կայքէջ՝ <http://www.armstat.info>), <http://www.armstatbank.am> և <http://www.armdevinfo.am> , ինչպես նաև ԱՄՀ <http://dsbb.imf.org> կայքէջերում:

ԱՄՀ ՏՏՀՍ տեղեկագրում առկա է Հայաստանի վիճակագրության համապարփակ մեթոդաբանությունն անգլերենով, իսկ նույն ստանդարտի ՀՀ ԱՎԾ կողմից վարվող Ազգային ամփոփ տվյալների էջում (<http://docs.armstat.am/nsdp/>)՝ երկրի համապատասխան տվյալները:

Ըստ Ծրագրի, պատրաստվել են. ամսական պարբերականությամբ՝ «ՀՀ սոցիալ-տնտեսական վիճակը բնութագրող ընթացիկ-օպերատիվ ամփոփմամբ ստացված նախնական հիմնական մակրոտնտեսական ցուցանիշները» և «ՀՀ սպառողական գների ինդեքսը», եռամսյակային պարբերականությամբ՝ «ՀՀ սոցիալ-տնտեսա-

կան վիճակը բնութագրող մակրոտնտեսական ցուցանիշների համառոտագիր», «Հայաստանի սոցիալական պատկերը և աղքատությունը» մամուլի հաղորդագրությունները, ինչպես նաև 9 անուն թեմատիկ հաղորդագրություն (ընդամենը՝ թվով 13 անուն մամուլի հաղորդագրություն):

Համաձայն Ծրագրի, ՀՀ ԱՎԾ աշխատակազմի մարզային գործակալությունները (ներառյալ՝ Երևան քաղաքի գործակալությունը) պատրաստել են 1 անուն վիճակագրական զեկուցագրեր:

Համաձայն «ՀՀ կենտրոնական բանկի և ՀՀ ազգային վիճակագրական ծառայության միջև տեղեկատվության փոխանակման վերաբերյալ» համաձայնագրի, ՀՀ ԿԲ-ին 6՝ ամսական, 7՝ եռամսյակային, 2՝ կիսամյակային, 5՝ տարեկան և 2՝ միանվագ (ըստ անհրաժեշտության) պարբերականությամբ տրամադրվում է ամփոփ վիճակագրական տեղեկատվություն:

8.6. Վիճակագրական տեղեկատվության տարածումը ՀՀ ԱՎԾ պաշտոնական կայքէջի միջոցով և ՀՀ ԱՎԾ բաց գրադարանի գործունեությունը

Շարունակվել են աշխատանքները ՀՀ ԱՎԾ պաշտոնական կայքէջի կատարելագործման և վիճակագրական նյութեր տեղադրելու ուղղությամբ: 2015թ.-ի ընթացքում ՀՀ ԱՎԾ ինտերնետային հանգույցում եղել է 249 403 հազ. դիտում (միայն www.armstat.am կայքէջը), ինչը 22 հազ.-ով (9.8%) ավելի է 2014թ. համապատասխան ցուցանիշից: Ըստ Google Analytics հաշվիչի գրանցումների՝ դիտվել է 1 281 602 էջ:

Վիճակագրական տեղեկատվության սպառողների պահանջարկը բավարարելու, վիճակագրական տեղեկատվությունից օգտվելն առավել մատչելի դարձնելու, ինչպես նաև ներկայացվող տեղեկատվության շրջանակն ընդլայնելու նպատակով մշակվել են ծրագրեր ՀՀ ԱՎԾ պաշտոնական կայքէջի արդիականացման ուղղությամբ:

www.armdevinfo.am կայքէջը համալրվել է Հազարամյակի զարգացման նպատակների (ՀԶՆ) ցուցանիշների 2014թ. տվյալներով:

www.armstatbank.am կայքէջում առկա են տնտեսության տարբեր ոլորտները բնութագրող թվով 142 վիճակագրական աղյուսակ (բազա), որոնցից 5-ը (3.5%) տեղադրվել է 2015թ.-ին, իսկ մնացածը արդիականացվել են:

www.armstat.am կայքէջում կատարվել է տեղեկատվական նյութերի տեղադրում («Հրապարակումներ»՝ 111 նյութ, «Մամուլի հաղորդագրություններ»՝ 37 նյութ, այլ բաժիններ՝ 46 նյութ)՝ եռալեզու տարբերակով:

ՀՀ ԱՎԾ բաց գրադարանում 2015թ. տարեվերջին առկա է եղել 12 025 անուն վիճակագրական գրականություն, որից 370-ը ստացվել է 2015թ. ընթացքում:

2015թ. դեկտեմբերին 200 անուն հրապարակում (այժմեականությունը կորցրած կամ նույն հրապարակման կրկնակի օրինակներ) հանձնվել է ՀՀ ԱՎԾ արխիվին:

Վիճակագրական գրականությունը համալրվել է աշխարհի տարբեր երկրների վիճակագրական ծառայություններից և միջազգային կազմակերպություններից (50%), ինչպես նաև ՀՀ ԱՎԾ կողմից հրապարակված վիճակագրական հրապարակումների հաշվին (50%):

2015թ. ընթացքում ՀՀ ԱՎԾ կողմից հրապարակված վիճակագրական հրապարակումների (ժողովածուներ, տարեգրքեր, տեղեկագրեր (ամսական, եռամսյակային, տարեկան պարբերականությամբ) և զեկույցներ) 2-ական օրինակներ տեղադրվել են գրադարանում:

ՀՀ ԱՎԾ գրադարանի գրանցամատյանում 2015թ. ընթացքում գրանցվել է 65 այցելություն, այդ թվում գիտական` 13% և միջազգային կազմակերպություններից` 9%, պետական մարմիններից` 28%, ինչպես նաև կրթական ոլորտից` 50 %: